



HAVO  
Habilidad di lesa  
**2019**

Examen di periodo 1  
8 di mei  
07.30-10.00

PAPIAMENTO

# Buki di texto

E **buki di texto** aki ta consisti di 12 pagina y ta contene 3 texto.

## Koffie, mas cu un simpel mata

1. Hopi tempo atras, pa ta mas specifico, na aña 85, un pastoor di un estado na Yemen tabata observa su cabritonan. Despues cu e cabritonan a come e blachinan di un mata, nan a haya bida y a cuminsa bula y core rond manera loco. Sorprendi di mira nan asina, el a conta su experiencia na e frerenan di un convento eybanda y mesora un di nan a dicidi di traha un infusion di e mata pa duna e otro frerenan. Consecuentemente, e anochi ey nan no por a drumi na ora, nan a keda lanta gran parti di e anochi. Riba un otro dia ora awa tabata yobe, un frere a lubida di deplasa e rama di e mata carga cu fruta for di un candela. E obhetivo tabata pa nan seca mas lihe, y na dado momento e simianan a carbonisa y a cuminsa saca un aroma agradabel. E frere a mula e simianan y a traha un infusion. Pa su sorpresa, e bebida tabata miho cu esun previo! Esaki Cesar Hinojosa Quiroz a skirbi riba su blog na aña 2016.

2. Ken no a yega di experiencia un bon copi di koffie of sikiera a haya e holo mainta trempan? Koffie ta un infusion gusta pa hopi hende y ta e bebida pa transforma un cara di soño den un cara sonriente. Manera cu e sentido di olfato haya e caricia di e aroma magico aki, Solo ta sali den e mente, unda un dia nobo ta cuminsa. Djis imagina, mas di mil cinco shen miyon copi pa dia! Un cantidad hopi halto pa un bebida. A pesar cu tin cientificonan ta alerta riba

consecuencia di inheri e infusion aki, toch e cantidad di consumo ta aumenta. Koffie tin su beneficio, sinembargo e tin su parti negativo riba salud di hende.

3. Koffie sigur ta un bebida cu a plama globalmente masha lihe desde su descubrimiento. Den siglo 11 a descubri koffie na Etiopia. Un mata cu flor blanco cu tin un holo similar na jasmin, cu ta un mata aromatico y su frutanan ta cora parecido na cherry. Den e temponan aya nan tabata herbe e blachinan di e mata magico aki pa uzo medicinal. Fama di e mata aki a cuminsa plama den otro paisnan manera Yemen den siglo 14; aki e clima tabata perfecto pa planta mata di koffie. Den siglo 16 e fama a yega Istanbul, aki nan tabata herbe, tosta y mula e simia. E aroma a haci cu e fama a plama mas lihe ainda. For di palacio el e plama bay diferente mansion y na ultimo, el a yega cas di e humildenan y nan a namora di dje. Aki a lanta e concepto di cas di koffie, unda bo por purba un bon cop'i koffie, mientras bo ta lesa buki, hunga un wega di *ajedrez* of combersa di poema y literatura. Fama di e casnan aki a yega Europa den siglo 17. Na aña 1660, e prome cas di koffie a habri na Hulanda, pero e Hulandesnan no tabata bebe e infusion mes hopi cu e Arabiennan. E Hulandesnan a mira mas oportunidad den comercio. Ta te na final di siglo 17 koffie a yega continente Americano.

4. Un mata di koffie ta rendabel danki na su ubicacion strategico. Pa por

cultiva mata productivo, saludabel y fuerte mester tin hopi atencion na un cantidad grandi di variabel pa e calidad of cantidad di fruta. Fernando Farfan, un argonomo di e centro di investigacion Cenicafé de la Federación Nacional de Cafeteros de Colombia ta bisa, cu si e condicionnan climatologico: yobida, temperatura y intensidad di solo ta adecua, e mata di koffie no mester di sombra. E miho condicion climatologico ta ora e temperatura ta entre 21°C y 22°C, pa aña e yobida mester ta entre 1500 mm y 2000 mm y e mata ricibi 1800 ora di Solo pa aña. Cualquier variabel pafo di loke ta menciona, segun Farfan, lo conduci cu e produccion no lo ta exitoso den cantidad y calidad. Si por ehempel e factor Solo ta mas, tin e posibilidad di planta mata grandi pa por duna e mata sombra. Segun e federacion, 40% di e cunucunan di koffie ta planta den sombra. Por ehempel, Sierra Nevada, Santa Marta, cu ta situa parti noord di Colombia, ta ricibi 2300 ora di Solo pa aña. Aki Farfan ta recomenda pa e matanan haya solamente 58% di Solo. Si e haya menos intensidad di Solo esaki lo causa un cosecha di calidad y cantidad abou. Esaki lo tin efecto riba e sabor y aroma. Farfan a enfatisa cu e ta encanta cu e cosecha grandi na Medellin. Pues, su ubicacion ta perfecto pa cultiva koffie.

5. Un bebedo di koffie tin un porcentahe mas abou di core riesgo pa desaroya diabetes tipo 2. Na aña 2005, Rob M. van Dam, PhD y Frank B. Hu, MD, PhD a revisa nueve caso di persona cu ta bebe maximo dos copi di koffie pa dia, compara cu esnan cu ta bebe cuater pa seis copi di koffie pa dia. Como resultado, e riesgo pa haya diabetes tipo 2 a baha cu 35% cerca e

grupo cu a bebe cuater pa seis copi di koffie pa dia. Cerca esnan cu a bebe maximo dos copi pa dia, e riesgo a reduci cu 30%. Pa agrega, den e disertacion academico di Simiak Bidel, e tambe a duna resultado di su investigacion, cu ta apoya e resultado anterior.

6. Un otro beneficio pa un amante di koffie ta cu e ta lucha contra radical liber cu ta dañino pa salud. Hende tin e tendencia di lubida cu koffie ta un mata y manera tur mata consumibel, e bonchi di koffie ta contene mas di mil substancia natural. Mayoria di e fitokimiconan aki tin un rol antioxidante cu ta fomenta proteccion pa cel deteriora. Ora ta tosta un bonchi di koffie ta sosode cierto transformacion kimico y fisico. E proceso di tosta bonchi aki ta un parti esencial pa e sabor tan gusta di koffie. Ora kima e bonchi, esaki ta bira mas grandi y su color tambe ta cambia. E color ta cambia di geel pa bruin, manera cane y sigui pa un color mas scur. Si tosta e bonchi un poco so, lo mantene e sabor original di koffie. E bon noticia ta, cu ora di tosta e bonchinan e fitokimiconan no ta disminui y ta mantene, generalmente, e mesun calidad.



*Ilustracion 1: tosta bonchi koffie den planchi.*

7. Pa continua, segun investigacion haci pa Josep M. Serra Grabulosa, bebedimento di koffie por mehora memoria y cognitividad. Dicho

investigacion tabata encera bebedo di koffie matutino y no bebedo di koffie. Como resultado, esnan cu ta bebe koffie a presta miho ora di siña materia nobo, cual ta un bentaha. Ademá, e bebemento di koffie tambe ta aumenta cognitividad segun cu edad ta subi. Mas ainda, un di e investigacionnan ta señala cu bebemento di koffie acompaña pa algo dushi, lo tin un efecto mas fuerte. Un articulo publica riba sitio web di CBS (un planta di canal di television Mericano), ta presenta un prueba cu a haci na un cas di anciano na Italia, cu ta indica cu tin un diferencia den e parti di memoria y e parti cognitivo cerca e grandinan, cu ta consumi mas koffie pa dia.

8. Di otro banda, bebedonan di koffie ta core un riesgo grandi pa desaroya osteoporosis, miho conoci como malesa di weso. Minister di Salubridad di India, Jagat Prakash Nadda, ta bisa cu koffie por causa cu e curpa ta saca e calcio den orina y esey ta causa osteoporosis. Segun The Diet Channel, un promedio di cinco miligram di calcio ta bay perdi pa cada consumo di seis ons di koffie. Mas bien por recompensa esaki door di acompaña e copi di koffie cu dos cuchara di lechi of yoghurt.

9. Un otro efecto cu e bebedonan di koffie por adelanta e proceso di maduracion door di deshidratacion. Bebemento di koffie por stimula e proceso unda e cuero ta cuminsa ploomi. Esaki ta sosode a pesar cu koffie tin antioxidante. Ora bebe demasiado koffie y tiki awa, e cuero ta cuminsa deshidrata. Sin duda esaki lo ta e pio cos pa e cuero. Dr. Bernard Jensen ta amplia: "Ami ta sufri di deshidratacion di cuero, p'esey mi ta bebe un glas di awa

despues di cada copi di koffie. Esaki ta yuda bringa e deshidratacion. Si bo ta un persona cu ta sufri di deshidratacion di cuero medio severo, bo por añadi un cuchara di simia di chia y lag'e sinta pa 30 minuut den awa y despues beb'e. E simia di chia ta mantene bo curpa mas hidrata cu awa regular."

10. Consumo di koffie en berdad por causa cu un hende su peso ta subi, door cu consumo halto di cafeina por conduci na un aumento di fluctuacion di sucu den sanger, cu ta contribui enormemente na un antoho. Ademá, den momento social ta combina koffie cu algo di come. Hopi biaha ta consumi koffie cu un pasa boca. Na momento cu no tin efecto di cafeina mas den e curpa, ta reemplasa esaki cu cualkier pasaboca cu ta contene vet. Hefe di un buffet di abogado di salubridad na Merca, George F. Indest III, ta bisa cu e por identifica su mes cu e problema aki, pasobra diariamente e ta bebe seis copi di koffie acompaña cu dos donut.

11. Ademá no tur cos cu ta briya ta oro. Koffie convencional ta yena cu pesticida. E mata di koffie ta un di e matanan mas cubri cu kimico, pesticida y herbicida. Esakinan sigur niun hende lo no kier den su curpa. A lo largo koffie tin efecto drastico riba e salud. Uzo di producto organico ta saludabel y ta keda na cada persona, sea nan ta scoge pa consumi koffie convencional of uno menos convencional.

12. Koffie ta un bebida gusta y adictivo pa hopi hende. Conoci desde tempo antiguo, y actualmente nomina como un bebida cu dos banda di medaya pa loke ta salud. E ta un mata delicado cu conoce un ciclo. E consumidor di koffie mester tene cuenta

cu tin variacion organico. Mas organico e ta, sin duda, mas dushi e sabor ta. Koffie mester ta liber di kimico cu por conduci na enfermedad critico. Su beneficianan manera: reduci riesgo pa diabetes tipo 2, yuda sistema inmunologico y yuda cu memoria y parti cognitivo, ta rasonnan suficiente pa bay

busca un copi di koffie. Tambe mester tene cuenta cu e otro banda di medaya, pasobra diferente inves-tigacion ta conclui cu e por causa osteoporosis, acelera biehes fisico y yuda cu aumento di peso.

### **Cacao, na peliger di pasa pa historia?**

*E científiconan ta indica posibilidad di desplasmamento di fecha pa loke ta trata extincion di cacao*

1. Na aña 2013 Business Insider a publica un articulo cu a pone hopi hende riba bou. Esaki ta debi cu científiconan a realisa, cu pa motibo di cambio climatico y aumento di peticion, mata di cacao lo tin 40 aña mas di existencia, prome cu e desaparece. Esaki ta debi cu e mata solamente por crece na luganan strategico. Na comienso di aña 2018, e topico a resurgi y varios noticiero a dun'e hopi importancia. Sinembargo, un luz a briya na horizonte ora cu Katharina Wecker, periodista di Deutsche Welle, a reacciona pa medio di un articulo bisando cu cacao no lo desaparece na aña 2050, sino mas bien lo trata na manipul'e geneticamente pa hacie mas resistente contra plaga y segura.

2. Un cos ta sigur, gran consumo di cacao y efecto climatico ta stimula esnan cu nan porvenir ta depende di e mata aki pa tuma accion. Globalmente, e consumo di cacao a crece na aña 2015 cu 1% yegando asina na 4.2 miyon bari. Dia 27 di september 2018, Worldatlas.com a publica un articulo den cual ta menciona e paisnan cu mas ta consumi cacao. Na prome luga ta Suisa, na di dos luga Alemania, sigui pa Irlanda, Reinonan Uni y Noruega. Den aña 2012 na Suisa, e habitantenan a come un averahe di 11.9 kilo di cacao pa cada capita. Un bara di chuculati ta den careda di 40 pa 45 gram, esaki kiermen cu cada persona a inheri un promedio di 240 bara durante e aña. Irlanda no ta mucho leu mirando cu e consumo tabata 9.9 kg pa persona.

3. Ademá, produccion di cacao ta tuma luga den region tropico, unda e clima ta cayente y humedo, esta awa ta yobe hopi y no tin segura. Tambe un temperatura di 21 pa 23 grado Celsius ta importante pa e mata di cacao crece. Door cu Africa tin e condicionnan aki, e ta produci 70% di bonchi di cacao riba nivel global. Pero, cambio climatico ta causa cu e region aki ta experiencia reduccion di awacero y humedad cu impacto negativo riba e mata.

4. Mester bisa cu e proceso di cultivacion y produccion di bonchi di cacao ta extremadamente fragil y ta rekeri labor intensivo. Segun Organizacion Internacional di Cacao, e proceso ta cuminsa cu extraccion di e bonchi for di e fruta cu ta crece directamente na e takinan. Cada fruta ta contene entre 30 pa 50 bonchi y pa un bara di 2 ons di chuculati, cu ta contene 70% di cacao, ta uza 40 bonchi tosta. Desde cu planta e simia, lo dura 3 pa 5 aña prome cu e mata duna fruta. E mata aki lo keda produci pa mas o menos 25 aña.

5. Costa di Marfil, Africa, tin e produccion di cacao mas grandi na mundo. Na di dos luga ta Ghana, y hunto nan tin mas cu mita di e produccion mundial. Otro pais cu ta produci na gran escala ta: Indonesia, Nigeria, Cameron, Ecuador y Brazil.

6. E productornan, cu ta uza cacao como nan ingrediente principal, ta man na cabes cu e posibel desaparicion di nan materia prima. Awo nan ta inverti gran cantidad di placa den investigacion pa haya un solucion pronto. E compania di

chuculati Mars a pone disponibel 1 biyon dollar Mericano pa haci esaki posibel. E cientificonan ta trata na manipula naturalesa geneticamente pa crea un mata cu ta resistente na segura y na malesa.

7. No obstante cu segun Wecker, e articulonan anterior ta basa riba mal interpretacion di dato, no tin ningun duda cu temperatura na Costa di Marfil lo subi cu 3 grado na aña 2050. E efecto riba e especie den cuestion, ta desconoci. Esaki no nifica cu ta trata di apocalipsis di cacao. Pa awo e amantenan di chuculati por ta trankil.



*Ilustracion 2: flor y fruta di cacao*

## Walt Disney World

*Soño di un solo persona, fantasia realisa di tur otro*

1. Cada aña hopi famia rond mundo ta uza nan placa cu kisas a tuma hopi tempo pa spaar, pa nan hiba nan yiunan bay conoce e famoso Mickey Mouse y su amigonan. Loke a cuminsa como un simpel figura di caricatura, awendia e nomber Mickey Mouse a comberti su mes den un icono internacional, cu parkenan di diberticion. Hopi no sa, pero tabata un caminda largo prome cu e parkenan a bira loke nan ta awendia.

2. Na aña 1932 Walt Disney, creador di e caricatura Mickey Mouse, tabata considera pa habri un parke pa famia riba un tereno vacante net dilanti di su studio. Su idea, duna e figura di caricatura bida den un mundo di fantasia unda famia por disfruta hunto. Desafortunadamente, e ciudad di Burbank tabata haya esaki un idea pesimo, pero esey no a descurasha Walt pa sigui elabora su ideanan. Pa final di añanan 40, e concepto a bira mas skerpi y Disneyland a cuminsa haya forma. No ta tur hende tabata entusiasmo cu e idea di Walt. Bankeronan, inversionistanan y hopi funcionario mas den su compania tabata opone fuertemente. Nan tabata anticipa catastrofe. Su mesun ruman Roy tabata pensa cu un parke di recreacion caro, yen di luho por hiba nan na ruina pa semper. "Walt no tin niun conocimiento di *real estate*, ni experiencia comercial, pues e lo no hiba e aventura aki na un bon final",

segun Roy. Sinembargo, Walt, sigur di su vision, a cuminsa busca e fondonan necesario riba su mes. El a bende su propiedad vacacional y a fia placa di su seguro di bida. El a hunta un ekipo di su miho trahadonan y a duna nan e tarea pa desaroya su ideanan y crea, cu ayudo di contratista comercial, un particion di trabou den tempo. Asina a lanta e grupo WED enterprises (WED ta acronimo pa Walt Elias Disney). Acerca, el a contrata un grupo di experto pa evalua e prospecto economico y yud'e cu analisis pa un locacion adecua, unda tin crecimiento urbano, bon infrastruttura y bon patronchi di trafico. Un luna despues el a haya e ubicacion ideal: Anaheim. Situa pafor di Burbank, pero 30 minuut leu for di Los Angeles riba bon caretera. Prome paso tabata: planta mata di apelsina y walnut pa trece bida den e bario y haci e coremento pa yega na e futuro parke, uno agradabel. Siguiendo paso: atrae inversionista pa yuda financia su vision. El a haci esaki door di publica cu e ta haci un cambio y bay di television pa un parke di recreacion. Y su idea a funciona! Ora NBC y CBS a dun'e di conoce cu su idea ta simplemente ridiculo, el a reuni cu ABC. ABC tabata desespera pa cambia nan programa y bin cu programanan nobo y di nivel. Roy a hiba cu ne e pintura di e parke na e reunion cu e ehecutivonan di ABC. ABC a bay di acuerdo pa fia Walt 500 mil dollar, duna un garantia di 4.5 miyon y un espacio pa un show di Disney na television un biaha pa siman.



Mesora Walt a pidi un persona cu experiencia cu a construi e waf na San Francisco, pa realisa e construccion di e parke. Construccion a cuminsa dia 16 di juli, 1954.

3. Despues di a habri e prome parke exitosamente na Anaheim, California, na aña 1955, cuater aña despues Walt Disney Productions a cuminsa sondea tereno pa habri e di dos parke. Resultado di un estudio a revela cu 5% di e bishitantenan di Disney ta bin di oeste di Mississippi River, unda 75% di e poblacion di Merca ta biba. Adicionalmente, Walt Disney no tabata mucho contento cu e otro negoshinan cu a habri diripente rond di su parke y tabata kier un tereno unda e mes tabata tin mas control y su mesun establecimentonan.

4. Asina Walt Disney a haci un recorrido aereo, entre otro, riba Florida, den november di aña 1963. Aki el a observa con e camindanan ta traha y hinca den otro y teniendo cuenta con Interstate 4 y Florida's Turnpike ta traha, el a selecciona un localidad situa centralmente cerca di Bay Lake. Pa haya e tereno y evita speculation, e compania Walt Disney a uza diferente corporacion falso pa haya 123 km<sup>2</sup> di tereno. Na mei 1965, e companianan Ayefour Corporation, Latin American Development and Management Corporation y Reedy Creek Ranch a cumpra 1.5 miyon dollar na tereno, incluyendo tereno destina pa cria bestia y *swamps*. Algun di e nombrenan aki ta marca riba un bentana den Main Street USA den Magic Kingdom. Mayoria di e doñonan di e terenonan aki tabata masha contento cu nan por a deshaci di nan. E tempo ey Florida tabata djis un *swamp*. Un factor di preocupacion

tabata e derecho di escava mineral for di e tereno. Sin traspaso di e derechonan aki, cu tabata propiedad di Tufts University, e entidad por a bin na cualkier momento y exigí pa elimina e edificionan pa haci escavacion. Eventualmente, e team di negociante di Disney a cumpra e derechonan di mineral pa 15 mil dollar.

5. Door di traha estrictamente den secrecia, e agentenan di *real estate* no tabata sa ta pa ken nan tabata haciendo oferta. Nan tabata cuidadoso pa no revela e intencionnan berdadero y asina negosha hopi mas tereno. Pa evita cu su intencionnan ta bira topico di discusion, Disney tabata warda te ora e tin un porcion grandi di tereno pa e firma e contractnan pa cuminsa construi.

6. E prome rumor y e speculationnan tabata cu e terenonan aki tabata sea di NASA, FORD of Rockefeller. Den un articulo di Orlando Sentinel, publica dia 20 di mei 1965, por a lesa cu tabata reina un rumor, cu ta di Disney e terenonan ey ta. Na november di e mesun aña, despues di hopi speculation y intento pa haya sa ken ta e doño, Walt a anuncia cu lo cuminsa cu construccion di un di dos parke di Disney.



*Ilustracion 3: Walt den conferencia di prensa.*

7. Desafortunadamente, Walt Disney, e creador di Disneyland, no por

a mira su vision realisa. El a fayece di cancer na pulmon un aña despues di a anuncia cu lo cuminsa cu construccion di Disney World. Su ruman Roy, cu ya tabata cu pension, a pospone su retiro pa asina por cuminsa maneha e construccion. No solamente mester a cuminsa traha riba e edificionan, sino tambe riba e camindanan cu lo conduci na e parkenan. Walt Disney World a inaugura dia prome di october 1971. Prijs di entrada tabata \$3.50 pa adulto, \$2.50 pa esnan entre 12 y 18 aña y \$1 pa mucha. Tres luna despues di e apertura, Roy a fayece na edad di 78 aña. Niun di dos ruman por a disfruta di loke nan a traha asina duro pa tanto tempo riba dje.

8. Ora Amelia kier lubida su condicion di salud pa un rato, e ta rebiba su recuerdonan di e tempo cu el a pasa na Disney. Danki na Disney y Make A Wish Foundation, Amelia por a bira e prinses cu tanto e tabata desea di ta. Despues di hopi luna di anticipacion, Amelia a drenta e parke bisti na prinses hunto cu su famia. E tabata conoce tur e prinsesnan di Disney. E ta corda tur e cosnan di hunga, e personahenan cu a bin salud'e, su shimis briyante yena cu stenci y yen di persona desconoci cu tabata acerc'e pa saca potret cu ne. Cada detaye di su bishita tabata regla pa Disney. Despues di un dia yena cu emocion y hopi alegria, e famia a bisti su miho trahe pa bay cena cu e personahenan di Disney na un restaurant den Magic Kingdom. Tur e prinsesnan favorito di Amelia tabata presente. E memorianan di Amelia, cu tin 4 aña y ta pashent di cancer, ta keda brinda Amelia y su famia speransa y felicidad durante e dianan dificil. Desde aña 1980 mas cu 100 mil mucha cu condicion similar na esun di Amelia ta

ricibi un trato di realesa den e parkenan di Disney.

9. Loke kisas ta desconoci, ta cu awendia Disney World ta mes grandi cu e ciudad di San Francisco, empleando mas cu 70 mil trahado. Disney World ta consisti di seis parke, di cual dos ta parke di awa, 27 hotel cu tema di Disney y diferente centro comercial. Disney tin mas cu 1.2 miyon disfras, cual ta hacie e compania cu e *armario* mas grandi na mundo. Bou di cada parke tin un ciudad chikito unda e trahadonan ta bisti, come y unda tur disfras ta warda den cash'i paña. Pa temporada di Pasco, ta rekeri diescincio truck grandi pa transporta decoracion pa dorna un porcion di Magic Kingdom. Tur anochi prome cu cera e atraccion Pirates of the Caribbean, ta bisa George bon nochi, pa e no rabia. Esaki ta un creencia cu tin bou di e trahadonan. George, un imaginario cu tabata traha riba Pirates of the Caribbean, a muri durante construccion. Ta bisa cu te awe George su spirito ta biba den e atraccion. Cada dia, sin duda, ta perde mas cu 200 bril di solo den e parke. Anualmente, Disney ta produci mas di 30 ton di fruta y berdura den su parkenan y esakinan ta bay pa consumo di su bishitantenan. Den tur su añanan di existencia, e parke na Orlando a cera solamente tres biaha: pa horcan Floyd, pa e suceso di 9/11 y pa un problema cu coriente. Tur aña Walt Disney World ta ricibi 48 miyon bishitante. Cu e bishitantenan aki nan ta bende 1.9 miyon Turkey Leg.

10. Sinembargo, na aña 2014 tabata tin un controversia tocante salario di e trahadonan di Disney na Florida. Tabata tin un publicacion den cual a indica cu casi mitar di e

empleadonan di Disney, ta hendenan sin cas, cu ta biba sea den nan auto of den motel. E salario di \$8.30 pa ora, no tabata yega pa paga huur di cas, ni mantene famia. Disney a haya masha hopi critica mes, siendo un industria, cu pa drenta un parke so ta cobra mas cu 100 dollar. Varios abogado di Disney a argumenta cu no ta falta di e compania, sino mas bien di e economia decadente na Florida, unda e prijsnan ta masha halto mes. Asina mes, pa evita mas critica, e compania a dicidi di subi e salario di su empleadonan pa \$10 pa ora y purba yuda nan cu nan situacion di bibienda. Despues di tur cos, Disney

ta propaganda di ta e luga mas feliz na mundo, toch ?

11. Sin duda, Magic Kingdom a bira un icono pa grandi y chikito. Su bishitantenan ta biaha distancia grandi pa por yega e dos parkenan aki na cada banda di Merca. Ta di lamenta cu e doñonan mes no a biba pa mira loke nan a visualisa. Pero, nan a laga atras e realisacion di nan vision, unda cu mundo magico ta bira realidad pa hopi rond mundo.

## Fuente

---

### Texto 1:

1. [www.turkishcoffeeworld.com](http://www.turkishcoffeeworld.com)
2. <http://cesar-hinojosa-quiros-cafe.blogspot.com>
3. <https://www.hablayapanama.com>

### Texto 2:

4. <https://makechocolatefair.org>
5. <https://www.cadbury.com.au>
6. <https://www.indexbox.io>

### Texto 3:

7. <https://disney.com>
8. <https://www.orlandosentinel.com/travel/attractions/the-daily-disney/os-historic-walt>.
9. <https://www.designingdisney.com/content/construction-disneyland>
10. <https://wish.org>





HAVO  
Habilidad di lesa  
**2019**

Examen di periodo 1  
8 di mei  
07.30-10.00

Papiamento

# Buki di pregunta

E examen aki ta consisti di un buki di texto, un buki di pregunta y un buki di contesta.

E buki di pregunta aki ta consisti di **8** pagina.

E cantidad di pregunta ta: **36**.

Pa e examen aki por haya maximo **52** punto.

Dilanti cada pregunta ta indica e cantidad di punto cu por acumula.

## INSTRUCCION

- **PREGUNTA DI ESCOGENCIA MULTIPLEL**  
Marca e contesta corecto conforme instruccion den e buki di contesta.
  
- **PREGUNTA HABRI**
  1. Contesta e preguntanan den bon Papiamento.
  2. No duna mas contesta di loke ta pidi. Por ehempel si ta pidi dos motibo, skirbi solamente dos motibo. Den caso cu skirbi mas cu dos motibo, lo conta solamente e prome dosnan den e evaluacion.
  3. Si ta pidi pa un frase y bo ta contesta cu mas cu un frase, lo conta solamente e prome frase den e evaluacion.

\*Uzo di likido of tape di coreccion ta prohibi.

\*Uzo di diccionario ta permiti conforme rooster di CSE 2018.

\*Uzo di buki di lista di palabra na Papiamento ta prohibi.

## Texto 1      Koffie, mas cu un simpel mata

---

- 1p□ 1. Cua strategia di lesamento bo mester aplica si bo ta pone atencion na e titulo *Koffie, mas cu un simpel mata*, frase nucleo y palabra di señal?
- 1p■ 2. Indica cua concepto ta cuadra miho cu alinea 1 relaciona cu e resto di texto.  
A. Alinea 1 ta duna un ehempel.  
B. Alinea 1 ta duna un hipotesis.  
C. Alinea 1 ta elabora un problema.  
D. Alinea 1 ta elabora un topico.
- 1p□ 3. Cua ta e punto di salida di e meta comunicativo alinea 3?
- 1p□ 4. Den alinea 4 tin e siguiente frasenan: “*Un mata di koffie ta rekeri un ubicacion strategico pa e ta rendabel. ... Farfan a enfatisa cu e ta encanta cu e cosecha grandi na Medellin. Pues, Medellin su ubicacion ta perfecto pa cultiva koffie.*”  
Completa e siguiente frase:  
Aki ta trata di un estructura di argumentacion basa riba ...
- 3p□ 5. Alinea 4 ta cuminsa cu e siguiente frase: “*Un mata di koffie ta rendabel danki na su ubicacion strategico.*”  
A. Indica si e frase aki ta un afirmacion of ponencia.  
B. Splica bo contesta den maximo 10 palabra.
- 1p□ 6. Na alinea 5 tin e frasenan: “*Na aña 2005, Rob M. van Dam, PhD y Frank B. Hu, MD, PhD a revisa nuebe caso di persona cu ta bebe maximo dos copi di koffie pa dia, compara cu esnan cu ta bebe cuater pa seis copi di koffie pa dia. Como resultado, e riesgo pa haya diabetes tipo 2 a baha cu 35% cerca e grupo cu a bebe cuater pa seis copi di koffie pa dia. Cerca esnan cu a bebe maximo dos copi pa dia, e riesgo a reduci cu 30%.*”  
E citacion ta contene argumento cu ta sostene e ponencia di alinea 5.  
Ta distingui dos grupo principal di argumento.  
Na cua grupo di argumentacion principal e argumentonan aki ta pertenece?
- 1p□ 7. Cua ta e relacion entre alinea 5 y alinea 6?
- 1p■ 8. Den alinea 8 tin e palabra di señal “*...di otro banda...*” cu ta indica un contraste.  
Di cua contraste ta trata aki? Aki ta trata di:  
A. contraste di beneficio y rendimiento.  
B. contraste di bentaha y desbentaha.  
C. contraste di meta y medio.  
D. contraste di motibo y consecuencia.



- 1p□ **9.** Alinea 8 tin e frase: *“Minister di Salubridad di India, Jagat Prakash Nadda ta bisa cu koffie por causa cu e curpa ta saca e calcio den urina cu ta causa osteoporosis.”*  
E frase aki ta contene un argumento obhetivo cu ta sostene e frase anterior.  
Skirbi di cua tipo di argumento ta trata aki.
- 1p□ **10.** Alinea 9 tin e frase: *“Esaki ta yuda bringa e deshidratacion.”*  
Aki ta trata di un argumento obhetivo.  
Skirbi cua tipo di argumento obhetivo esaki ta.
- 1p□ **11.** Alinea 10 tin e frase: *“Hefe di un buffet di abogado di salubridad na Merca, George F. Indest III, ta bisa cu e por identifica su mes cu e problema aki, pasobra diariamente e ta bebe seis copi di koffie acompaña cu dos donut.”*  
E frase ta contene un argumento di emocion.  
Skirbi e palabranan den e citacion akiriba ta duna di comprende cu aki ta trata di argumento di emocion.
- 1p□ **12.** Alinea 11 ta contene un argumento di dilema.  
Cita e argumento di dilema.
- 1p□ **13.** Den alinea 11 e autor ta indica cu koffie tin efecto drastico riba salud.  
Cua tipo di argumento e autor ta uza pa sostene esaki ?
- 1p■ **14.** E ultimo alinea ta contene un resumen y un ...  
A. analisis.  
B. conclusion.  
C. ehempel.  
D. recomendacion.
- 1p□ **15.** Por parti e texto den introduccion, nucleo y final.  
Skirbi number di e prome y di e ultimo alinea, cu ta pertenece na e nucleo.

## Texto 2 Cacao, na peliger di pasa pa historia?

---

1p□ **16.** Cu cua meta comunicativo e autor a skirbi texto 2?

1p■ **17.** Completa e siguiente frase:  
E introduccion di texto 2 ta un...  
A. ampliacion di e subtítulo.  
B. elaboracion riba e título.  
C. resumen di e texto completo.  
D. splicacion di e texto completo.

1p□ **18.** Alinea 2 y 3 ta comparti e mesun frase nucleo.  
Cita e frase nucleo aki.

2p□ **19.** Den alinea 2 tin e palabra capita.  
Na kico e autor ta referi cu e palabra capita.  
Haci uzo di maximo 10 palabra.

1p□ **20.** Cu cua tono e autor a skirbi texto 2?  
Scoge un di e siguiente palabranan:

*envolvi – humoristico – ironico – obhetivo – preocupa – realistico – sarcastico*

4p■ **21.** Indica si e siguiente puntonan di bista ta cuadra cu contenido di texto 1 *Koffie, mas cu un simpel mata* y texto 2 *Cacao na peliger di pasa pa historia?*.  
Scoge C si e punto di bista ta cuadra y scoge I si e no ta cuadra cu ambos texto.  
1. E mata ta uno fragil y ta nace y crece mas tanto na e continente di Zuid America.  
2. Peticion pa e simia y su produccion ta grandi.  
3. Ambos texto ta trata bentaha y desbentaha riba salud di hende door di consumi e producto final.  
4. Durante crecemento di e mata ta uza cierto pesticida pa e produccion ta mas rendabel.

- 4p■ 22. Scoge e resumen cu mas ta cuadra cu texto 2.
- A. Cambio climatico a trece cierto incertidumbre cu ne ora ta trata un comestibel gusta pa grandi y chikito. Na 2013 a sali un articulo basa riba datonan eroneo, cu mata di cacao lo disparce a base di su rekesitonan cu e tin pa crece na cierto punto strategico, cu a conduci na cierto inkietud cerca diferente compania di produccion di chuculati. Consecuentemente, nan a inverti pa busca un solucion. Na aña 2018, cientificonan a saca un conclusion cu e mata di cacao lo no disparce, sino mas bien lo ta geneticamente modifica pa resisti segura y plaga.
  - B. Cambio climatico a trece cierto incertidumbre cu ne ora ta trata un comestibel gusta pa grandi y chikito. Na aña 2013 a sali un articulo basa riba datonan eroneo, cu mata di cacao lo disparce a base di su rekesitonan cu e tin pa crece na cierto punto strategico, cu a conduci na cierto inkietud cerca diferente compania di produccion di chuculati. Consecuentemente, nan a inverti pa busca un solucion. Na aña 2018, e cientificonan a saca un conclusion cu e mata di cacao lo no disparce, sino mas bien lo ta geneticamente modifica y inyecta cu cierto kimico pa resisti segura y plaga.
  - C. Cambio climatico a trece cierto incertidumbre cu ne ora ta trata un comestibel gusta pa grandi y chikito. Na aña 2013 a sali un articulo basa riba datonan eroneo, cu mata di cacao lo disparce a base di su rekesitonan cu e tin pa crece na cierto punto strategico, cu a trece inkietud cerca companianan grandi di produccion di chuculati. Nan a haci inversion pa busca un solucion. Na aña 2018, cientificonan a saca un conclusion cu e mata di cacao lo no disparce, sino mas bien lo ta geneticamente modifica pa resisti segura y plaga. Esaki ta un publicacion cu Katharina Weller a realisa pa medio di un articulo despues di aña 2018.
  - D. Cambio climatico a trece cierto incertidumbre cu ne ora ta trata un comestibel gusta pa grandi y chikito. Na aña 2013 a sali un articulo basa riba datonan eroneo, cu mata di cacao lo disparce a base di su rekesitonan cu e tin pa crece na cierto punto strategico, cu a trece inkietud cerca companianan grandi di produccion di chuculati. Nan a haci inversion pa busca un solucion. Na aña 2018, cientificonan a saca un conclusion cu e mata di cacao lo no disparce, sino mas bien lo ta geneticamente modifica y inyecta cu cierto kimico pa resisti segura y plaga. Esaki ta un publicacion cu Katharina Weller a realisa pa medio di un articulo despues di aña 2018.

### **Texto 3      Walt Disney World**

- 
- 3p□ **23.** Splica, uzando maximo 20 palabra, kico e subtítulo ta encera.
- 1p□ **24.** Den alinea 1 e autor ta skirbi: *"... un caminda largo..."*.  
Kico esaki ta nifica?
- 1p□ **25.** Den alinea 2 e autor ta indica cu Walt no a haya sosten di diferente instancia of persona pa su vision.  
Ken of kendenan tabata e prome cu no tabata di acuerdo cu ne?
- 2p□ **26.** Roy tabata preocupa cu Walt ta hiba nan na bancarota?  
Skirbi dos motibo pakico Roy tabata sigur di esey.
- 3p□ **27.** Den alinea 2 ta describi e accionnan di Walt prome cu e por a habri e parke na Anaheim.  
Indica cua ta e tres pasonan cu Walt a tuma.
- 2p□ **28.** Den alinea 4 ta describi cu Walt a bay explora e area di Florida pa busca tereno.  
Pakico Walt a scoge specificamente pa bay Florida?  
Skirbi dos motibo.
- 1p□ **29.** Disney a opta pa uza un strategia pa asina cumpra e terenonan necesario.  
Pakico e compania a opta pa hacie na e forma aki?
- 1p□ **30.** Con Disney a honra esnan cu tabata doño di e terenonan cu el a cumpra?
- 1p□ **31.** Den alinea 6 ta elabora riba rumor.  
Cua tabata e di dos rumor?
- 2p□ **32.** Den alinea 8, ta describi un caso isola di un mucha yama Amelia.  
A. Ki relacion e caso aki tin cu Walt Disney World?  
B. Kico ta e intencion di e autor pa inclui e caso aki den e texto?
- 1p□ **33.** Den alinea 9 tin e palabra *armario*. Den e mesun alinea tin un sinonimo di e palabra aki.  
Skirbi e sinonimo aki.
- 1p□ **34.** Alinea 10 ta elabora riba un otro topico relaciona cu Disney.  
Kico ta haci e alinea aki diferente na tur otro alinea di e texto?
- 1p■ **35.** Alinea 10 ta caba cu e frase: *"Despues di tur cos, Disney ta propaganda di ta e luga mas feliz na mundo, toch?"*

Cu cua tono e autor a skirbi e frase aki?

- A. Alegre
- B. Decidido
- C. Emocional
- D. Ironico

1p■ **36.** Con por tipifica texto 3?

- A. Un texto informativo, cu elementonan argumentativo.
- B. Un texto informativo, cu elementonan expositivo.
- C. Un texto persuasivo, cu elementonan argumentativo.
- D. Un texto persuasivo, cu elementonan expositivo.



Examen HAVO  
Habilidad di lesa  
**2019**

Periodo 1  
8 di mei 2019  
7.30-10.00

**PAPIAMENTO**

**Modelo  
di  
coreccion**

Het correctievoorschrift bestaat uit:

- 1 Regels voor de beoordeling
- 2 Algemene regels
- 3 Vakspecifieke regels
- 4 Beoordelingsmodel
- 5 Inzenden scores
- 6 Bronvermeldingen

# **1 Regels voor de beoordeling voor het schooljaar 2016 - 2017**

Het werk van de kandidaten wordt beoordeeld met inachtneming van de volgende regels.

Voor de beoordeling zijn de volgende regels van belang:

1. De directeur stelt zo spoedig mogelijk het door de kandidaten gemaakte werk met een exemplaar van de opgaven en het proces-verbaal van het examen aan de examinerator ter hand.
2. De examinerator ziet het werk zo spoedig mogelijk na, wijst er de onvolkomenheden in aan en geeft het werk aan de gecommiteerde.
3. De gecommiteerde beoordeelt het zo spoedig mogelijk en levert het resultaat van de beoordeling uiterlijk twee dagen voor de bekendmaking van de cesuur in.
4. Indien de commissie, belast met de vaststelling van de opgaven, bindende normen voor de beoordeling van het werk heeft opgesteld, passen de examinerator en de gecommiteerde deze bij hun beoordeling toe.
5. Indien voor een vak twee of meer examineratoren optreden, bepalen zij in onderling overleg de behaalde scores per vraag. Komen zij daarbij niet tot overeenstemming, dan wordt het geschil voorgelegd aan de voorzitter van de examencommissie van de desbetreffende school. De voorzitter van de examencommissie kan hierbij in overleg treden met de voorzitter van de gecommiteerden. De voorzitter van de gecommiteerden kan een derde onafhankelijke gecommiteerde aanwijzen. De beoordeling van de derde gecommiteerde wordt gemiddeld met de dichtstbijzijnde beoordeling van de examinerator en de eerste gecommiteerde.
6. De examinerator en gecommiteerde drukken hun beoordeling uit in een cijfer uit de schaal van cijfers 1 tot en met 10 met de daartussen liggende cijfers met één decimaal aan de hand van de omzettingstabel. De examinerator en gecommiteerde vermelden de door hen toegekende cijfers niet op het werk zelf, doch op een afzonderlijk vel papier.
7. De examinerator vult de vastgestelde cijfers voor het schriftelijk examen in op een lijst van cijfers, waarvan het model door de directeur van de Directie Onderwijs wordt vastgesteld. De examinerator en de gecommiteerde ondertekenen de lijst.

## 2 Algemene regels

---

Voor de beoordeling van het examenwerk zijn de volgende regels van toepassing:

1. De examinator tikt in de digitale versie van het scoreblad, verstrekt door het Examenbureau, de namen en/of nummers van **alle kandidaten** en het aan iedere kandidaat toegekende aantal scorepunten per vraag.
2. Voor het antwoord op een vraag worden door de examinator en door de gecommiteerde scorepunten toegekend, in overeenstemming met het beoordelingsmodel. Scorepunten zijn de getallen 0, 1, 2, ..., n, waarbij n het maximaal te behalen aantal scorepunten voor een vraag is. Andere scorepunten die **geen gehele getallen** zijn, of een **score minder dan 0** zijn **niet toegestaan**.
3. Scorepunten worden toegekend met inachtneming van de volgende regels:
  - 3.1 indien een vraag volledig juist is beantwoord, wordt het maximaal te behalen aantal scorepunten toegekend;
  - 3.2 indien een vraag gedeeltelijk juist is beantwoord, wordt een deel van de te behalen scorepunten toegekend, in overeenstemming met het beoordelingsmodel;
  - 3.3 indien slechts één voorbeeld, reden, uitwerking, citaat of andersoortig antwoord gevraagd wordt, wordt uitsluitend het eerstgegeven antwoord beoordeeld;
  - 3.4 indien meer dan één voorbeeld, reden, uitwerking, citaat of andersoortig antwoord gevraagd wordt, worden uitsluitend de eerstgegeven antwoorden beoordeeld, tot maximaal het gevraagde aantal;
  - 3.5 indien in een antwoord een gevraagde verklaring of uitleg of afleiding of berekening ontbreekt dan wel foutief is, worden 0 scorepunten toegekend, tenzij in het beoordelingsmodel anders is aangegeven;
  - 3.7 indien in het beoordelingsmodel verschillende mogelijkheden zijn opgenomen, gescheiden door het teken /, gelden deze mogelijkheden als verschillende formuleringen van hetzelfde antwoord of onderdeel van dat antwoord;
  - 3.8 indien in het beoordelingsmodel een gedeelte van het antwoord tussen haakjes staat, hoeft dit gedeelte niet in het antwoord van de kandidaat voor te komen;
  - 3.9 indien een kandidaat op grond van een algemeen geldende woordbetekenis, zoals bijvoorbeeld vermeld in een woordenboek, een antwoord geeft dat vakinhoudelijk onjuist is, worden aan dat antwoord geen scorepunten toegekend, of tenminste niet de scorepunten die met de vakinhoudelijke onjuistheid gemoeid zijn.
4. Het juiste antwoord op een meerkeuzevraag is de letter die behoort bij de juiste keuzemogelijkheid. Voor een juist antwoord op een meerkeuzevraag wordt het in het beoordelingsmodel vermelde aantal scorepunten toegekend. Voor elk ander antwoord worden geen scorepunten toegekend. Indien meer dan één antwoord gegeven is, worden eveneens geen scorepunten toegekend.
5. Een fout mag in de uitwerking van een vraag maar één keer worden aangerekend, tenzij daardoor de vraag aanzienlijk vereenvoudigd wordt en/of tenzij in het beoordelingsmodel anders is vermeld.



6. Een zelfde fout in de beantwoording van verschillende vragen moet steeds opnieuw worden aangerekend, tenzij in het beoordelingsmodel anders is vermeld.
  7. Indien de examinerator of de gecommiteerde meent dat in een examen of in het beoordelingsmodel bij dat examen een fout of onvolkomenheid zit, beoordeelt hij het werk van de kandidaten alsof examen en beoordelingsmodel juist zijn. Hij kan de fout of onvolkomenheid mededelen aan het Examenbureau. Het is **niet toegestaan zelfstandig af te wijken van het beoordelingsmodel**. Met een eventuele fout wordt bij de definitieve normering van het examen rekening gehouden.
  8. Scorepunten worden toegekend op grond van het door de kandidaat gegeven antwoord op iedere vraag. Er worden geen scorepunten vooraf gegeven.
  9. Het cijfer voor het centraal examen wordt als volgt verkregen. Eerste en tweede corrector stellen de score voor iedere kandidaat vast. Deze score wordt meegedeeld aan de directeur. De directeur of een door hem aangewezen persoon stelt het cijfer voor het centraal examen vast op basis van de regels voor omzetting van score naar cijfer.
- NB1 Het Examenbureau heeft de correctievoorschriften vastgesteld. De corrector mag **niet afwijken van het correctievoorschrift**.
- NB2 Het aangeven van de onvolkomenheden op het werk en/of het noteren van de behaalde scores bij de vraag is toegestaan, maar niet verplicht.
- NB3 Als het Examenbureau vaststelt dat een (centraal) examen een onvolkomenheid bevat, kan het besluiten tot een aanvulling op het correctievoorschrift. Een aanvulling op het correctievoorschrift wordt zo spoedig mogelijk nadat de onvolkomenheid is vastgesteld in een erratum naar de directeur van de scholen gestuurd.

Soms komt een onvolkomenheid pas geruime tijd na de afname aan het licht. In geval dat het werk al naar de tweede corrector is gezonden, past de tweede corrector deze aanvulling op het correctievoorschrift toe.

Een onvolkomenheid kan ook op een tijdstip geconstateerd worden dat een aanvulling op het correctievoorschrift te laat zou komen. In dat geval houdt het Examenbureau bij de vaststelling van de cesuur/N-term rekening met de onvolkomenheid.

### **3 Vakspecifieke regels**

---

Voor dit examen **kunnen maximaal 52 scorepunten worden behaald.**

Voor dit examen zijn de volgende vakspecifieke regels vastgesteld.

1. Bij de tekst(en) met vragen worden, gelet op de aard van de opgaven, geen punten afgetrokken voor spelfouten. Voor idiomatische en grammaticale oneffenheden geldt hetzelfde, tenzij het antwoord er minder juist of zelfs fout door wordt.
2. Bij de samenvatting is het de kandidaat niet toegestaan informatie-elementen in telegramstijl weer te geven. Voor een informatie-element dat geheel in telegramstijl is weergegeven, dienen geen scorepunten te worden toegekend. Voor een informatie-element dat gedeeltelijk in telegramstijl is weergegeven, kan maximaal de helft van het aantal scorepunten worden toegekend.
3. Indien door de kandidaat tussen twee informatie-elementen een aantoonbaar onjuist (onlogisch) verband wordt gelegd, dient voor ten minste één van beide informatie-elementen geen score te worden toegekend.
4. Voor alle open vragen met een maximum aantal woorden geldt: indien een kandidaat een vraag herhaalt alvorens hij/zij tot een antwoord komt, worden de woorden tot aan het eigenlijke antwoord (conform het antwoordmodel) niet meegeteld.

**NB. Dit is een voorbeeld van vakspecifieke regels voor het vak Papiaments. Voor voorbeelden van vakspecifieke regels voor andere vakken kun je kijken op de site van [Examenbureau.aw](http://Examenbureau.aw)**

## 4 Het beoordelingsmodel (modelo di coreccion)

pregunta	Contesta	score
----------	----------	-------

1	Global		1
2	D		1
3	E ta un echo		1
4	Rasonamento logico		1
5	A. Afirmacion B. E ta basa riba echo/ of e ta verificabel Si contesta ta bon, maximo 10 palabra	1 1 1	3
6	Argumento obhetivo		1
7	Enumerativo		1
8	B		1
9	Argumento di autoridad (si e estudiante contesta echo ta fout, pasobra Nadda <b>ta bisa</b> ..., p'esey e no ta echo, ni experiencia)		1
10	Argumento di experiencia (personal)		1
11	Identifica su mes		1
12	sea nan ... of ... menos convencional		1
13	B		1
14	Argumentacion di Proverbio		1
15	3 y 11		1
16	Informativo		1
17	B		1
18	Cita e frase: Un cos ... tuma accion		1
19	cada persona /of pa cabes. Max 10 palabra	1 1	2
20	Realistico /of obhetivo (1 contesta ta necesario)		1
21	1. I 2. C 3. I 4. I	1 1 1 1	4

22		A		4
23		Soño di fantasia/vision ta bira realidad pa hopi rond mundo. (mester tin vision/soño y realizacion/biba/fantasia (of palabra deriva di un di nan) Maximo 20 palabra	1 1 1	3
24		Tuma hopi tempo of trayecto of ruta largo (un di e tres posibilidadnan aki ta bon)		1
25		Ciudad di Burbank		1
26		No tabatin conocimiento di <b>real estate</b> y ni di <b>comercio</b> (real estate 1 punto y comercio 1 punto)	1 1	2
27		1. busca fondo 2. busca tereno 3. busca hende pa traha e parke	1 1 1	3
28		-Mayoria ta bin di oeste di mississippi -Infraestructura di caretera y/of interstate florida turnpike (un di nan dos ta bon)	1 1	2
29		Pa mas negoshi/ y/of hotel no establece eynan		1
30		Door di pone nan nomber riba glas den mainstreet den Magic Kingdom		1
31		Cu e terenonan ta di Disney		1
32		1.Danki na Disney Foundation Amelia por a bira un prinses/ of haci su soño realidad 2. Disney ta duna trato realesa / of haci soño realidad	1 1	2
33		Cash'i paña		1
34		Ta duna un parti negativo Of :problema interno di trahado(interno) Of: ta trata controversia/ un banda scur / salario abou (un posibilidad ta suficiente)		1
35		D		1
36		B		1
				52

## 5 Inzenden scores

---

De examiner verwerkt **na de eerste correctie** de scores van **alle kandidaten** in alfabetische volgorde in de digitale versie van het scoreblad. Dit scoreblad wordt door het Examenbureau verstrekt.

De examiner mailt dit ingevulde **voorlopige scoreblad**, nog **voordat het werk naar de gecommiteerde wordt gestuurd**, naar het Examenbureau.

Nadat de bespreking van het werk met de gecommiteerde heeft plaatsgevonden, past de examiner het voorlopige scoreblad aan en stuurt deze **definitieve versie** naar het Examenbureau.

Het Examenbureau analyseert de scores en **stelt de definitieve cesuur/N-term vast**. Na vaststelling **ontvangen de directeuren van de scholen de omzettingstabel** voor het desbetreffende vak van het Examenbureau.

## 6 Bronvermeldingen

---

Vermeld onder elke tekst. Zie bijlage.